



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carnski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	5822

Strana:
1 od 1

Broj protokola:

02-1-04-7-3872-19/20

JAVNO

DATUM: 26.08.2020. god.

PRIMALAC: SARAJEVO OSIGURANJE d.d. Sarajevo

PREDMET: Obavijest: Nabavka usluge – Osiguranje od odgovornosti iz djelatnosti

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku usluge: **Osiguranje od odgovornosti iz djelatnosti**, provedene metodom Pregovarački postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača SARAJEVO OSIGURANJE d.d. Sarajevo za nabavku predmetne usluge.

S poštovanjem,



v.d. DIREKTOR-a

Alan Baijić

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DOP UP 01-3 01 01 Dopis, 2.Izdavanje/Rev 3



Tel:

Fax:

E-mail:

INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
FINANSIJE	+387/ 33/ 289 162	+387/ 33/ 289 234	
KOMERCIJALA	+387/ 33/ 289 177	+387/ 33/ 289 154	comdept@sarajevo-airport.ba
WEB	www.sarajevo-airport.ba		



DIREKTOR DRUŠTVA	Strana: 1 od 2
Broj protokola: 02-1-04-7-3872-18/20	JAVNO

Datum: 26.08.2020. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 48. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke usluge: Osiguranje od odgovornosti iz djelatnosti za štete pričinjene trećim licima, imenovane Rješenjem, broj: 02-1-04-7-3872-5/20 od 20.07.2020. god., Uprava J.P. Međunarodni aerodrom "SARAJEVO" d.o.o. Sarajevo na 7. sjednici održanoj dana 26.08.2020. god., donosi

ODLUKU

I

Prihvata se ponuda ponuđača SARAJEVO OSIGURANJE d.d. Sarajevo za nabavku usluge: Osiguranje od odgovornosti iz djelatnosti za štete pričinjene trećim licima, zavedena na protokol Naručioca pod brojem: 02-1-04-7-3872-14/20 od 10.08.2019. god., koji je ponudio cijenu za predmetnu nabavku u iznosu od 27.000,00 KM, bez PDV-a, na period od šest mjeseci.

II

Izabrani ponuđač je, u roku od sedam radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 (devedeset) dana od dana dostavljanja ponude.

III

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa čl. 17. i 18. Zakona o javnim nabavkama, a u cilju izbora najpovoljnije ponude za nabavku usluge: Osiguranje od odgovornosti iz djelatnosti za štete pričinjene trećim licima, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke broj: 02-1-04-7-3872-3/20 od 14.07.2020. god., a Rješenjem o imenovanju Komisije, broj: 02-1-04-7-3872-5/20 od 20.07.2020. god., imenovao Komisiju za provođenje postupka nabavke.

Naručilac je, postupajući u skladu sa naprijed navedenom Odlukom, uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu ponuđača SARAJEVO OSIGURANJE d.d. Sarajevo, s obzirom da se, u skladu sa čl. 21., tačka d), čl. 23., tačka b) i čl. 28. Zakona o javnim nabavkama, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Naime, uslijed uložene žalbe na tendersku dokumentaciju po otvorenom postupku za nabavku predmetne usluge, a u cilju kontinuiranog osiguranja od odgovornosti iz djelatnosti, bilo je potrebno hitno zaključiti polis osiguranja za prelazni period, do okončanja otvorenog postupka nabavke usluge.

Na javnom otvaranju ponuda u pregovaračkom postupku, Društvu je dostavljena inicijalna ponuda na iznos od 36.000,00 KM, što bi predstavljalo 3.000,00 KM/mjesečno, međutim obrazac za cijenu ponude je bio pogrešno popunjen, odnosno nije iskazana jedinična/mjesečna cijena. Na samim pregovorima, predstavnik ponuđača iznio je bojazan da neće moći ispoštovati inicijalnu ponudu, iz razloga što cijenu formira na osnovu cijene reosiguranja, a reosiguravajuće društvo daje povoljnije uslove u zavisnosti od dužine trajanja Ugovora. S obzirom da je u ovom postupku dužina trajanja ugovora neizvjesna, neizvjesno je bilo i da li će konačna ponuda biti u duhu inicijalne. Tako je ponuđač, nakon više urgencija zbog isteka Ugovora, dana 30.07.2020. godine dostavio novu ponudu, i to alternativno na slijedeći način:

- na period od 12 mjeseci - 36.000,00 KM
- na period od 6 mjeseci – 27.000,00 KM
- na period od 1 mjeseca - 14.500,00 KM

Komisija je nakon uvida u dostavljenu ponudu konstatovala da ista nije sačinjena u skladu sa uslovima iz tenderske dokumentacije, odnosno Odlukom Uprave Društva o pokretanju ovog postupka.

Nadalje, Komisija je konstatovala kako je postalo izvjesno da se tender po otvorenom postupku za nabavku ove usluge, neće okončati sigurno za još cca 45 dana (u najboljem slučaju), s obzirom da je predmet ponovo vraćen na odlučivanje Ugovornom organu uz prethodno ponovno vršenje obimnih i složenih provjera kod nadležnih organa.

Istovremeno, Komisija je ocijenila da bi mjesečno zaključivanje polisa po datoj ponudi bilo ekonomski izrazito nepovoljno za Ugovorni organ. S druge strane, s obzirom da Ugovorni organ zbog svih navedenih okolnosti trenutno nema pokriće za odgovornost iz djelatnosti, Komisija je smatrala da je potrebno hitno zaključiti Ugovor za osiguranje iz djelatnosti.

S tim u vezi, Komisija je Upravi Društva predložila da se pregovarački postupak nastavi pod izmijenjenim uslovima, odnosno da se od ponuđača Sarajevo Osiguranje d.d. zatraži dostavljanje ponude na period od 6 mjeseci (dakle, bez alternativnih opcija i sa ispravno punjenim obrascem za cijenu ponude), iz razloga što alternativno dostavljena ponuda iz formalno – pravnih razloga nije bila prihvatljiva.

Po pribavljanju saglasnosti Uprave Društva, upućeno je novo pozivno pismo sa zahtjevom za dostavu ponude na period od šest mjeseci.

Ponuđač je u predviđenom roku dostavio konačnu ponudu broj: 02-1-04-7-3872-14/20 od 10.08.2020. godine, i to u iznosu od 27.000 KM, na period od šest mjeseci.

Nakon otvaranja iste, Komisija je konstatovala da dostavljena zadovoljava sve tehničke i formalno pravne uslove iz zahtjeva za dostavu ponude, te je predložila Upravi Društva da se ugovor za predmetnu nabavku dodijeli ovom ponuđaču.

Uprava J.P. Međunarodni aerodrom „SARAJEVO“ d.o.o. Sarajevo razmotrila je dostavljenu preporuku Komisije na 7. sjednici održanoj dana 26.08.2020. god., te je nakon uvida u cjelokupno provedeni Pregovarački postupak, istu prihvatila i donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom „SARAJEVO“ d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.



DOSTAVLJENO:

1. Upravi Društva
2. Sektoru komercijale
3. Sektoru za PKO poslove
4. Ponuđaču (co.)
5. Sektoru finansija (co.)
6. a/a